



KPDNHEP bakal rancang inisiatif rangsang aktiviti peruncitan dalam negeri bagi meningkatkan keyakinan pengguna berbelanja.

FRANCAIS, JUALAN LANGSUNG

Operasi merosot 80%

Sektor makanan, pendidikan turun ketara ekoran Covid-19

Oleh Yusmizal
 Dolah Aling
 am@hmetro.com.my

Putrajaya

Merosot antara 70 hingga 80 peratus. Itu hasil Tinjauan Kesan Pengoperasian Francais dan Jualan Langsung oleh Kementerian Perdagangan Dalam Negeri dan Hal Ehwal Pengguna (KPDNHEP) susulan penularan wabak Covid-19.

Timbalan Menteriya Datuk Rosol Wahid berkata, pe-

nurunan tertinggi yang dilaporkan adalah dari subsektor makanan dan minuman serta pendidikan.

Katanya, kekurangan pekerja, bahan mentah disebabkan masalah logistik dan kos operasi yang terpaksa ditanggung seperti bayaran sewa serta utiliti adalah cabaran dihadapi sepanjang Perintah Kawalan Pergerakan (PKP) dilaksanakan.

Kata-

nya, pihaknya sedang meneliti beberapa inisiatif bertujuan merangsang aktiviti peruncitan dalam negeri bagi meningkatkan keyakinan pengguna berbelanja.

Rosol berkata, pembabitan pemain industri ditagih bagi memberi sokongan dan pandangan dalam sesi libat urus yang akan dilaksanakan.

“Wujud keperluan untuk sektor industri dan kerajaan be-

kerjasama dalam mengenal pasti langkah baharu serta prosedur operasi standard wajar dipatuhi bagi memastikan perniagaan dapat beroperasi dengan selamat.

“Program interaktif secara atas talian seperti sesi pada hari ini juga akan diperbanyak bagi menggalakkan perbincangan secara maya melalui penyaluran maklumat dan perkongsian ilmu bagi memperkasakan perniagaan francais,” katanya pada Program Webinar: Pengurusan Krisis Francais Semasa PKPB, semalam.

Pembabitan pemain industri ditagih bagi memberi sokongan